

小重山房詩詞全集

詩餘

華亭 張祥河 詩餘

浪淘沙

涉園十六景

圓嶠

俯仰接煙鬟乍可憑闌薰風不耐葛衣單遠眺
渾忘身是客如此河山聚米掌中看無限樓
船神仙高會亦云難海上蟠桃花落去燕子銜
還指海運車

方塘

詩餘

奩樣碧淳淳夢草初生籬遮樹掩忒無情屋角
如鉤新月到領了魚行鷗鷺省前盟濯我塵
纓雁書字跡任縱橫所謂伊人秋一抹露淨葭
明

四照廳

綠戰復紅酣花事頻添甚風吹起那重簾東面
垂楊西面柳蓮北蓮南獨自莫巡檐悟澈瞿
曇塔山遙指白雲尖藏得琉璃真世界佛也同
龕

蔬香館

僮約不辭忙摘翠盈筐好詩挂壁酒開缸坐少
賓朋儂懊惱況又他鄉野趣轉長廊石墨行
行平生最喜菜根香莫謂吳酸爭口味茹白蘇
黃

天香亭

四月過平涼已卸宮妝濃姿貴彩憶沈香聞道
及肩花出衆錦瑟人長檻外且徜徉月去苔
蒼紫金盞小酌何妨但取剪刀刪綠葉煞費評

量

芍藥坡

醉粉萬枝稠露重香浮一杯婪尾爲儂留
眞父停毫常父續花譜誰脩
棲棲好平疇嬌卉全收
玫瑰笑罷接紅榴更有山丹開
緩緩眩了人眸

夕佳樓

山氣罩窗紗暖到瓶花樓頭舞袖夕陽斜
我欲催歌無限好彈箇琵琶
不礙送歸鴉木末天

涯漢關秦塞萬人家一路紅霞成散綺不受雲
遮

小崑崙墟

汨汨引洪波疊石嵯峨隔城挹注水龍過調水
符靈鳥足數調到神河 濺瀑濕藤蘿沒了池
荷甲兵洗盡讐 天戈西望天山荒地少膏雨
春多

花神廟

扶上七香輪解語前因笙歌一部好迎神值得

詩餘

爲花三屈膝長駐青春
旌節指園門仙樹多
溫秦雲看現美人身上
人間花一色有笑無
聲

襟帶橋

雨後彩虹明影落波澄
釣絲風裏小荷擎最好
日斜攜客過老鶴相迎
三徑石庚庚題字厓
青城西鐵纜巨舟橫截
斷黃流通紫塞第一橋

名

指鎮遠橋

月波亭

一鏡映雙燒良夜逍遙懸鐙幾折小廊腰疑是
江干星點點人候歸潮禁得桂香飄目極層
霄紫雲迴曲素娥邀昨歲揚州狂杜牧月底脩
簫

鹿柴

雅樂最堪聽何處吹笙輞川詩裏景分明好共
木蘭同結構畫筆縱橫說夢太無情酒半嘗
騰一弓地窄古苔生驚起山人清睡美蕉葉窗
鳴

蓼汧

雛鴨唼花明
杜若前汀倚
風拜雨太伶俜
籬畔小家妝束好
粉薄脂輕
澹澹暮烟橫
瑟瑟波生
疏花水國句初成
觸我鄉心圓
渚上蟹舍鐙青

芥坳

盃水覆坳堂
齊物蒙莊莖
蕪何處拾奇香
石上無端新雨過
萬綠生涼
彼岸亦荒荒
巨壑能藏須彌世界一
帆張雲夢曾經吞
八九酒放詩

狂

水心亭

四面碧陰疏半點塵無板橋新倩瘦藤扶坐到
空明涼月上人在冰壺只合戲沙鳬浴晚飛
初三分秋色一分蘆更有二分瓜蔓外縮本西
湖

曠怡臺

雁齒歷崇階碧淨於指曠怡詩共鬱蕭裁持比
石湖仙筆妙都自天來老樹靠山齋塞路莓

昔仙居自昔在樓臺我未登臨人未到窗扇晨
開

乳燕飛

和黃硯北姚春木子樞立夏前數日過草堂看牡丹有懷元韻

宦久仍疎野慰鄉情雲箋擘處五泉山下聞道
天香妝鏡裏還似東鄰新嫁又添了新詞如畫
花徑不曾緣客埽恨歸無萬里追風馬花底客
我心寫櫻桃紅了空吟社報先生涉園草長
好春去也手挽黃河來曲沼饒有風臺月榭涉園饒有臺榭園池引城外恁翦燭懷人清夜黃河水翻車導入實稱奇特

唱到伊涼邊柳外渺長安西笑何爲者蚊蚋少
此清夏

虞美人

和春木見贈元韻

平生乍踏關中路第一咸陽渡蜀山蜀水碧如
苔猶記先生劍外拾詩來天涯誰展綏邊畧
深柳圍書幙披裘五月不知愁寄語蘭山大暑
亦如秋

關

中

集

關中集序

詩舫中丞撫陝之明年以近箸關中集郵示並
屬星沅爲序顧星沅平生詩友於中丞因緣最
深宦蹟又關中最久不敢以不文辭關中古帝
王都於山見華嶽之高於水見黃河之大且深
周秦以來人才輩出傳之聲詩名卿寓公難更
僕數我

朝開府重望近推桂林陳文恭公至提倡風雅
英奇雲集則畢秋帆尙書殆極一時之盛今節

署終南仙館卽當日觴詠地也中丞以文敏家
學爲靈巖鄉人騷壇主盟垂四十載一官一集
筆騰墨飛海內知與不知論詩必推雄長迨由
皋蘭秉節盱衡關隴年豐民樂政通人和中丞
槩戟清暇抒情摘景嶽色河聲輝映響答視昔
賢有過之無不及也星沅三度入秦巡撫復閱
三歲時方安輿迎養春祺介雅數奉觴舞綵稱
壽阿母月之朔望禮佛觀音閣輒隨侍憑闌眺
瀾橋西北諸山閒至小方壺井梧書屋扶掖流

覽風日清美花竹怡情極官舍承顏之樂歟所得詩無幾申誦斯集鴻泥宛然益歎君才何止十倍丕也中丞督糧高津時星沅奉使假道以詩代面旋貽畫筴訂交既而中丞由汴入都星沅由都入汴乃在漳河南北岸相左咫尺千里傾想至今讀集中見懷長句雖羊杜風流未堪並駕而阮嵇夢寐異地同心飛沈殊塗雲山迢邐合并當在何時勉志弁言又不禁臨風鄉往若或見之云

道光三十年春湘陰李星沅敘

關中集

華亭 張祥河 詩舫

車道嶺

前旌車道嶺一嶺一周遮殘雪在峯背荒柴堆
樹了材官馬上緯耆老掌中茶似有攀留意連
臂看燭花

安定謁許鐵堂先生祠

先生名玠字天玉
閩人與漁洋同時

爲安定令土人
德之爲建祠

順康真是唐虞際耆碩交推魏晉才牢落一官

秦塞曲嶠南未見鶴歸來

靈風吹袂薦寒泉新見丹楹刻舊聯

余舊題楹聯老鐵官

聲高隴坂雙松詩格並漁洋雪意漫天詩意峭何人白戰鐵

堂前

千里窮交何處尋辛年上計朔風侵揚州司李

多情甚卻損閨中纏臂金

先生辛丑公車至揚州漁洋以金條脫贈

行末句即用王詩

青嵐山

殘雪太狼籍愁雲滿目繁輕輪聞郭索偃草學

飛翻路轉風尤峭
厓高氣漸溫
山家剛轢釜
又閉小柴門

雪後書所見

卅里翟家猪
沿緣度嶺遲
陰厓排玉佛
深谷半鹽池
莽莽走蛇蚓
隆隆蹲象獅
壞牆書俗諺
七字宛成詩

諺云七十二道脚不乾

六盤山懷薩湘林將軍

十年六度六盤山
係薩題壁舊句

徑窄盤空上
春融挂澗流
初陽迎馬首
積雪炫人眸
亂石成鹽虎
喬柯盡玉蚪
天山懷大帥
此

景可同不

鑿險詩千首同爲萬里身封章新意緒橫槩舊
精神歲事邊陲樂交情老輩真安車看內召
執手渭河濱

瓦亭

唐宋兵戈際斯亭得瓦全頽垣圍雜樹短笻跨
飛泉馬耳前峯削樵蹤後峽穿蕭關應不遠心
折廣成仙

空同山

雄視三關控五原涇源出峽聽潺湲
筭頭再見
鑾輿莅寶鼎歌成漢紀元

問道宮連浴鶴泉丹邱疑在翠微顛
下風誰不
仙壇拜蠟燭香鑪几席前

招鶴能來有幾人
黃羊不爛又何因
青蓮一倡
飛龍引玉女朝朝禮紫宸

有約天臺迄未經
馬驥正嘶望亭亭一條峽後
燕支水卻照奇峯鬼面青

問鴈誰來慰索居
東歸七序讀騷餘
潛夫敬叔

風流歇未見藏山有異書

八百孤寒廣廈開山靈也喜畢公來

秋帆先生

尋幽

更數靈州牧百韻吟成倚劍才

楊蓉裳丈

二月望周古漁同年約登王母山適步香

南太守來晤

一重樓觀一重臺怡喜花朝霽色開萬籟無聲

鸞鶴杳誰歌樂府上之回

勝地相逢盡一卮今朝真箇宴瑤池好將主客

傳圖畫朱鳥窗前並倚時

新授陝撫請 覲北行途次涇州接 奉
且赴新任本年冬杪再行奏請之 命謹
成二律兼寄布子謙制府

祖帳蘭陽繫別情五泉洗眼有餘清乍膺 簡
命隆西簪又拜 恩言緩北行關隴撫循歸節
使河山管領忝書生 丹臺捧日尤兢惕惟有
丹忱答 聖明

同心市歲本無猜新締蘭盟北海杯相望更欣
鄰壤接非才敢負重臣推瑤池夜月迎人朗長

武春旗夾道來倚馬詩成寄鈴閣知公翦燭笑
顏開

平涼懷古

衛霍英風說到今朝那烽燧極邊侵一從老上
單于入六郡良家盡羽林
郡改新平漢祚昌射姑山色接彭陽先零莫逞
猖狂志第一功書段護羌

太峪

側坂懸崖大石橫筍輿真在洞天行平生饒有

煙霞癖飽飯雕胡聽澗聲

堇荼靡靡是周原纔過邠州氣候溫夜雨朝晴
真可喜麥田一色到青門

乾州

好時東來接醴泉武功一志對山傳回思萬樹
梨花盛只供邠州大佛前

咸陽渡

嫩色黃金上柳條東來淑氣雪全消兩行鼓吹
咸陽渡穀雨前頭水貼橋

橋過穀雨節卽排
橋以舟渡客

和姚春木見懷韻時輯本朝文徵一書

一世文章可橫行選家湖海是前旌

指王少寇湖海文傳

歸方淑學真無忝王

橫雲山人

萬野讐書若有情客

聚終南思夏屋

署中終南仙館爲秋帆先生延客之所

樓成來仲

聽秋聲先生定肯巾車過二曲清流尙抱城

終南仙館有懷畢秋帆先生

三月春陰護海棠弁山鴻蹟未全荒石闌猶點
靈巖筆玉節常分太乙光魯國開尊皆俊及廬
陵集古是文章無多臺榭煙雲裏依約吳中畫

四王

空同倚劍斗垂垂夫子工文天下推遼海未歸

丁令鶴

公營別墅於靈巖山未嘗一至卒爲他氏所有余訪其勝見畫船雲壑額尚係

書公嶠山爭紀富公碑詩人燭夜齊文手茆屋秋

風一展眉此後樂遊原上望題襟載酒更從誰

顏書郭公家廟碑

紫薇堂前煥星斗十丈穹碑墨苔厚汾陽門第
倚空同魯郡文章重耆耆壽州刺史中大夫河
目虬鬚生不偶牛仙客以清節推常樂坊逾古

稀壽閒氣毓才有令公朝係安危廿年久嗟哉
羌回盡頂禮猶聽魚程肆讒口凌煙鐵券鑒忠
悃金紫全家紆八九鴻伐之刻垂子孫承祀龍
旗克昌後我來摩挲拂點畫漫漶古香出塵垢
中使瀛洲堪伯仲鈎金楷法蛟蛇走公書奇正
妙相生回視墨繩窘歐柳不辭立馬再三讀會
見英靈鬼神守

寄李石梧制府金陵時乞暫假養疴

前塵關塞拂雲旂老屋梧桐有鳳巢羊杜風流

堪踵接阮嵇夢寐是神交湘中勝覽初心寄吳
下封章十手鈔近奏南漕有法窮則變原可更
新變而難通不如守舊之語

仙李蟠根自強固應知不任飯山嘲

吳晴舫少宗伯龍湫觀瀑圖

橫空一匹練四至無乾土煙霞昏曉中變態與
終古轉軒厯台甌雁山興復鼓樵徑險可通淨
綠爲門戶咄哉翦刀峯翦翦玉花吐玉女前致
辭用汝作霖雨

何杰夫侍御庚子浙闈所得士周學使學

濟馮太史培元爲甲辰科榜眼探花賦詩

志盛並憶及丙申科林勿邨太守與侍御
同登鼎甲皆余戊子科閩闈所中雋者門
下門生似相印合屬和前韻樂得而泚筆
焉

一紙飛來澹墨香春風猶記舊霓裳螭頭畫日
瞻天近鰲頂傳衣得士良選佛廣場緣獨勝
及門雙第數相當衡文從此輶車接桃李穠陰
取次望

十年蓬島會神仙鼎鼎才名得氣先擢秀湖山
眞玉尺摘文臺閣舊珠船諫垣容易成孤立世
事良難策萬全報國建言期不朽中宵焚草莫
輕傳

小方壺宴坐

一雨塵銷八水清無邊新綠上高城
轆轤人影溪堂外靜聽牀牀漱玉聲

桑條歌裏蠶初浴朱雀街頭燕睇巢龍首六坡
田似鄆春明門在九三爻

九峯環坐翠生妍小小方壺別有天
山鳥山花能說法雙魚吹沫畫闌前

藥品花名記小屏坐中賓從弁如星
定官有石紅薇下誰播清聲綴玉釘

擘窠借酒氣方豪字訣能離結構牢
卻笑雙鸞籠硯側學將大令是皮毛

灑金斜照晦還明油綠闌干直又橫
沖漢鷁高吹有勢在山泉激出無聲

十圍華嶽樹中樹一角湖天樓外樓
種竹泥新

黃个个盼他蘇醒翠扶頭

秦中懷古八首

霄漢金莖露氣清
振衣橫劍總威名
三邊林管縈秦曲
九陌風煙接雍城
但聽函關聃老度
不知褒棧武侯征
時平一理青門策
天酒榴花照眼明

李嶠詩天酒酌榴花

山河百二古咸陽
天漢橫橋渭水長
六國鼓鐘環極廟
萬人酒炙倣阿房
周文鎬宴靈臺影
漢武汾歌寶鼎香
迴首諸陵春草合
終南不辨鬪

雞場

紫閣松陰白閣連五溪花柳滿秦川銀麈縞鹿
漫山雪東棗西桃壓樹煙鴈塔高岑新點筆彪
池趙李舊停鞭棠梨宮裏雙飛燕猶掠紅襟剩
水前

月殿穿鍼覩阿環花前一笑共春山曲江池面
浮羅縠王女峯頭擁髻鬟織袋藏真來轡下霓
裳流韻到人間鳳臺客有吹簫客跨鳳天衣去
不還

中原形勝恣回翔
袞繡桓圭一代光
涉遠星槎張博望
籌邊武庫杜當陽
茂陵自數雲臺將
少華爭傳異姓王
更有范韓賢節使
腹中兵甲慣西羌

漢學何人續馬班
三唐高唱絕人寰
金牛識路通斜谷
鐵馬吟秋過散關
韋曲有花皆被酒
輞川無竹不遮山
銷魂一樣長安陌
啜茗平臺落日閒

餐玉藍田別有方
天神對奕事荒唐
麟師立見

傾銅柱鬼蜮胡爲入月堂依勢請看廷尉雀敗
羣不獨上林羊張鈞何算分肥瘦心折昭文鳳
閣王

關中金石好搜奇不壞真形不死師華嶽墨苔

樊毅拭繹山野火杜陵悲姜韓五季同焚掠指姜

道營浮圖韓歐趙雙編孰護持今日碑林萃唐

刻殘經尚免壑舟移

朱丹木廉訪詩藁

鉛華洗盡眉痕澹木葉刪餘石氣青自是君身

有仙骨不教俗眼識神形判山削翠原如筆爽
道開荒忽作屏金馬碧雞奇異在天南極望到
靖岭

題友人自度曲

且耀明珠蔭桂旗一時橫絕筆紛披風華江左
何人在老鐵花遊夢見之

動衣香遠是前塵亞水花紅唱冶春安得龍亭
魚網紙細書寄與菊夫人

絲竹尚虞兒輩覺謝公豈必任陶情贊皇李嶠

真才子秋鴈年年自度聲

程玉樵方伯小築城南以詩招飲因雨不
果往又誤會詩意賦此爲謝

魚與客相熟池萍不受遮
煙垂新洗竹雨溼後
棲鴉高館落成日晴川到處家
手牋招飲意卻
笑眼麻茶

慈恩寺

慈恩本隋無漏寺
綦趾西方翠堵波
高與含元殿
鴟埒中安舍利
佛光多捧心
文后神鍼效進

酒詞臣菊序過剩有河南三藏刻印錐筆妙重
摩挲

長安雜興

團扇曲江月紅裙外杜花輕塵走珠勒馳道避
香車漸見新豐樹遙連紫塞霞一程歸去晚行
炙五侯家

大道幾千戶青樓十二重風簾貼雙蝶煙幔隔
三峯渭水飲君馬秦關何處鐘可堪荒坂外秋
雨亂芙蓉

武帝上林苑唐王九曲池翹材丞相府容幃女
郎祠鳩鵲多殘雪蒲萄剩故枝雞頭與菱角併
入仲初詞

河讓潼關曲峯過太華驕流雲動斜漢飛雨入
中條俠客黃金盡游仙紫玉招從來歌舞窟璧
月可憐宵

雲霞三市曉車騎百花迎羯鼓阿那曲鷗絃俊
儻聲波羅鸚武語片段荔支情一自邊塵起秋
高浴殿清

欲寫王維墅誰題杜甫川華岡辛塢外魚艇淡
陵前顛倒終南翠蒼茫獨立天好尋雲際寺關
月照藍田

圭峯尊太白禹跡夜珠輝瓊章誰爲覆金鳧亦
解飛鸞侯除旱魃鄭客扣靈扉左洞胡麻飯神
仙不可幾

疏屬開盤石扶風得乳彝世無南仲識誰注伯
都辭酒灑蟲蟠地灰生墨刼池童敲牛礪角蒼
蘚沒龍螭

靈泉唐皂莢法酒漢蒲萄杜曲金枝李張村綺
葉桃故侯瓜味在地主菜香叨清美銀絲膾何
煩養土羔

雍境在西戎邠岐接鎬豐腰鎌今麥客斫竹古
獠薰蟬籠青林下驢牽白望中囊詩經阪隰搔
首讀秦風

李石樞制府屬和引疾得請元韻四首

乞身奉母意深長白下香花送去檣鄂渚湘江
千里近隱囊紗帽十分涼公才文武原爲憲民

病東南早定方 帝有恩言塵切望豈容久住
水雲鄉

高梧百尺鳳樓重門戶曾無薜荔封一自八州
歸掌握依然五嶽盪心胸銅官山色慈雲覆白
鶴泉聲舊雨逢十載塵煩纔擺脫絕勝爬疥與
開灘

棟梁勁質更蒼然金石功名伊牧肩芋火終傳

光福相桂華爭寄李膺仙粵滇星節家山返公使

粵使滇兩吳蜀霆威異域宣指懲辦猺匪島夷事此次錦

堂三過好親人魚鳥話前緣

重脩定省到親闈 俞旨傳來興欲飛久宦敢

申江水誓幾人聽喚乳名歸封魚截髭規從政
孔翠宮銜稱舞衣伯仲之間陶士行石梧石屋

竝 恩暉陶雲翁印
心石屋

萬一樓觀察遺竹具盆蘭賦謝

湘君入坐書悃悃香草離披是素襟銷暑最宜
新竹屋雨三畫卷一張琴

郭杜吹來水面風連朝快雨到簾櫳爲君傾盡

蒲萄盡夢入瀟湘八景中

王守吾自汴來陝相見志喜兼懷余二鄭

顧含象

敢謂終南幕府開孫洪

淵如稚存兩先生

吳會一時才

故人喜入閨纔坐舊地曾同患難來鈴語寒煙

婆塔寺荷聲剩水禹王臺于公碑下牛穿脇幾

見奔流古堞摧

鎗火樊樓聽鳳槽斷愁誰唱酒如刀人隨落葉

歡場散秋入橫雲和曲高長爪持觥聞減飲二

鄭左書申紙尚稱豪含象十年嘉石庭前景竹
籟花香夢寐勞

崇雨舫自藏旋京道出西安把晤志喜

荒庵落葉鑄金黃法界華嚴玉局藏絕代稱詩
皆古佛何人問道到西方短衣馬上秋先覺高
燭花前夜欲忘經略中原思務觀蠶戩醉墨有
餘香君詩辦香放翁

烏斯羣帳又蠻煙人喜東歸拂錦韉大散關頭
纔過雨褒斜谷口尙聞蟬神交金石秦中合話

盡崎嶇蜀道偏愛誦君詩將進酒湖山平獻曲

關前

君千佛山舊句也

約王寶珊崇雨舫同集終南仙館

巾車幸未返韓城舊袂重聯句載賡詩到帝王
州愈古眼經山水窟尤明塵樊每覺春無賴客
夜方知雨有情花下一杯人影月青蓮應妬此
高盟

集城東王氏園與雨舫作別

當官稀出郭送客借題初大道琅邪在名園竹

樹疏男兒身萬里京邸字雙魚
瀟灑真同癖圖書是後車

華嶽連嵩嶽君行得句多招雲
迎綵筆喝水退黃河看度星邊
鴈聽殘雨後荷灞橋斜照裏別
思定如何

八仙庵

晚靄成帷薜荔牆蜨枝踞地雨
黃楊春時尙有千堆錦花氣還
聞百和香送客旌旗開宴近入
關瓶盞挂單忙何人八景輿前
拜親見羣真到

廣場

金勝寺

唐牒修靈寶秦藩禮藥師後宮紛落髮古佛尙
留皮龍爪今雙樹櫻桃彼一時相傳補金氣別
有葦收祠

己酉陝甘鄉試監臨有作

關門籲俊 聖恩寬進步先看士習端文格翻
然宋嘉祐人才蔚起古長安蓮花筆底雲皆麗
槐子簾前雨欲闌邂逅葛仙與黃石

謂蓬山樹
陔兩主試

隴干攜手一登壇

戊歲仙霞持使節

余戊子典試閩中

辛年衷白和前詩

辛卯襄校東京兆同人賦詩

棘闈掌鑰曾連次

壬辰

俱用壁間王衷白先生韻

甲午兩充紗帽煎茶又一時百二關收不羈馬

山左提調

七千人仰最高枝

赴試者七千餘人

春風會啟櫻桃宴

鴈塔名多喜可知

八月八日作兼呈諸試官

詩人詠佳節未及八月八今我鎖闈催考較
筆燕友方給札古云居官似蓬島鳳咮堂高職

臨察晨鼓將隨雞唱與夜機尚聽蛩鳴軋白袍
門外已立鵠赤幟壇前看摩鵬芻蕘題品盡蘭
蓀茹藁連登出塊北由來寸錦百衲收不假金
篋雙目刮天孫自有雲七襄和氏終無足三刖
上弦當戶月如弓石鉞茶香風竹戛諸公精白
本一心不負清時真士拔

十五夜對月用坡公韻

甘雨作人休話雨關中好屏翳重陰離畢星終
南積雪如瑤島碧空特洗月出光寒霧全消晴

可老天鏡飛愈上雲衣看欲無桂宮高高攀一枝
筆陣戛戛埽萬夫從來文章麗霄漢豈乏英俊生
釣屠久陰自晴天道必月送人歸亦良得不夜何
須舉燕燭影娥池邊臺望鵲

十七日登明遠樓用坡公望海樓韻

關河爭擁畫圖來文字應同錦繡堆昨夕登樓
秋月滿宮袍惹得桂香回
棱棱秋田入望斜居人豐樂路人誇浹旬好雨
溝塍足不用農車脫壳蛇

雲級闌干第幾層上層鼓吹下層磨風簷四十

年前景

余丁卯舉於鄉至是四十年

五夜還隨鴉鵲興

世界凌虛草木香天風輕度鬢絲涼遙山隱隱
螺鬟現玉女朝來已洗妝
三條燭盡夜瓊紅不負初心是箇中儘賞鄠花
明似錦漫嫌漢竹賤如蓬

紀寧一首

軼塵看馬足吹簾繞龍鱗日出千門曉風和大
地春甲光諸佛相雲氣美人身同列思青瑣鑪

香正接茵

九疑山人所藏宋搨十七帖書後爲常南
陔方伯

古搨廷珪墨不癡紫桃軒裏慣臨池
禾中善本衡陽得字識還應到九疑
館本何年出禁局鳳毛麟甲眼爲青
故應對著江山看龔魏心期漢廣亭

郭允伯米紫來所藏宋搨聖教序今歸王
寶珊方伯

墨香求斷態橫生老去人書鑒別精本是松談
閣中物歸來紫氣向韓城

寄錢心壺丈中州

河漢微雪學士才繞花旋竹小徘徊婦姑棊入
團圓局濟城外通兄弟密分湊灑杯濠水新從渠口下時
憶三年楮葉裁承寄刻

端居

小小方壺境端居有所思鷺羣撓定水鴉點實

空枝醉去尊頻洗慵來枕一支簾波圍曲榭風外不勝垂

武關主試

纔見文闈俊又求又分騎射拔其尤才多爲識
雙單好額短何嫌一再搜卻誦秦風懷後駟須
知郭令起潛蚪汾陽以武舉起家鷹揚六十人陪宴弱
冠端端領解頭滿漢武舉六十名解元安長慶年市弱冠

井中獄

邠州客民趙欣寅鬪殺一案過堂供稱傭

工煤井已十二年井主短給傭直因詰以
井中不法情狀委員至拜家河訪拏工頭
老彌等有幼孩三人被脅入井局留土簪
訴寃得實井主及幫工知情縱容均擬徒
老彌起意擬極邊充軍

問誰應墮泥犁獄造化弄人亦太酷煤井沈寃
非一族恰好公堂當審錄巴人入井十二年幼
僂被脅井底眠一朝鬪殺出就案身雖桎梏能
見天拜家河頭地名成陷穽什伯傭工皆妄命人

也獸形兼獸心齷齪淫污不堪問青紅誘逼皆
孩童閉置土窖如樊籠早暮兩餅饑腸充哀號
鞭扑塵陰風上官訪拏得犯首聞風遣散十有
九尚留三童不能走出窖嗚冤是活口此後邠
州禁示宣立碑大道與井前十六以上不受雇
雇者日給夫工錢童子下堂歸去矣置犯於法
吏皆喜累人望鄉十二年判汝極邊四千里

關伍

太乙山前畫角吹琯弓羽箭看分馳古傳蜀相

包轡法今有楊家速戰宜連戰陣演自諸將壁
門躬甲冑書生筆陣握熊羆清時早定安邊策
落日閒閒照大旗

晚鐘

晚鐘催客散初月在山門路趁花溝曲鏡隨野
戍昏麤沙千足響深轍一泉渾知是山公返兒
童笑語喧

輓黃霽青太守同年

胥浦魏塘纔百里夜船憶戴苦相尋楓林被酒

酡顏別菊圃簪花白髮侵三點三更燕市月一
邛一壑故人心凌虛臺竟成華屋雨卸風欹更
不禁

輓李白樓茂才

六法倪黃韻有餘外家王趙比何如中年聽雨
常憐汝五夜聞雞獨起予憶弟看雲游肯倦薦
賢入幕計全虛樓頭殘刻青蓮句太息臨池見
細書

追輓錢梅溪

溫張摹帖是前師垂老猶存一寸詩漢隸銀鈎
隴石後尚湖紅葉艤舟時緘書湖上春風鴈聞
笛山陽夜月思十里梅花溪水白不堪重問舊
茅茨

寄故園諸君子

江湖盛漲沒鋤犁五閘分潮春鋪齊白屋乖龍
真欲竄青蘆哀鴈不成棲巖霜有信看迴溜殘
照無情向壞隄我是東南舊桑苧鄉音日盼隴
雲西

通濟渠工成登龍首原觀放水有作卽贈

南陔方伯

赤手山南闢溝澮一綫飛流到城外渠高濠下
若建瓴使水環城如玉帶龍首原承潏水多乾
爻六畫爲橫坡排鱗昫昫得大潤垂領汨汨皆
盈科十餘年來任波委丈八溝形迷尺咫迎鋤
蛇蚓百道通到耳琴箏萬人喜宮殿隋唐彼一
時宜春曲江諸苑池芙蓉開落闊世代交皂河
名縱橫判正支長安井泉半鹹普汲引泉甘被

三輔豈止農田菽麥宜且教山市魚鰕補平生
吳楚各扁舟二曲明漪好洗眸東望嶺雲生狗
脊南移酒榼過牛頭嗟哉華嚴剎剩涓滴將軍
山林何寂寂啜茗平臺讀杜詩看花大道摩銅
狄茲渠修濬孰鳩工前有賈公後畢公君真興
利追鄭白我樂觀成在鎬豐

祁淳甫協揆詩冊題後

六盤山色翠依然攬翠重來聳客肩吟到蕭關
殘雪句七言風格杜樊川

聽說歸途朗抱開從游三子盡詩才彈箏峽口
泉流急爲拭殘碑駐馬來

哭次女芝仙

鍾愛在垂髫歌風并頌椒明珠空掌上老淚灑
花朝病與枯蟬盡魂難斷竹招寫生畱刻石忍
更拂生綃

阿母相爲倚晨昏事事宜卅年行萬里一刻幾
曾離玉玦今番握經窗此後思故園汝姊妹噩
耗漫傳知

程魚門先生種梅莪竹遺象題後卽用卷

中原韻

高格梅花月在鉤萬琅玕裏一籟麻常焚故國
馮驩券不省空廚范冉魚照檻晨看初洗鏡生
櫛有集撚髭夜對未成書盤坡阿閣終攀陟太息
儒冠不負予

詩人垂老志林泉不耐朝簪年復年華嶽蓮花
如有舊秣陵江水更無田東來病擁藍關雪西
逝重銷紫塞煙高誼弁山誰弗重風流况接小

斜川

文孫小泉

客至二首

人來衣袖雨路出竹松陰苔石疑重甌風漪學
斷琴飄將榆莢盡望到藕花深莫負焚香暇盤
飧草草心

碧宇本清淨邊風欲弄沙昔耶都在屋交蔓不
妨花得食馴階雀歸巢散廟鴉何人談武畧漫
聽戍樓笳

朱泚書劉海蟾碑題後

海蟾子遇真陽子金液還丹道脈尋瞥見十錢
危累卵終南從此入山深

客有避暑游終南山者余未能偕妬而爲

詩

三閣攢來紫白黃雞頭牛首兩相望客從何處
籃輿上大頂天風露頂涼

昌黎粗述五言詩躋頂崢嶸入望時山色洗開
連夜雨十分濃綠畫修眉

峻闌高檻碧霄端九陌千門翠可圍聞道詩人

稱夏景白雲似雪晝生寒

南五臺前到也無賽神廟市客叩扶藁柴扇子
玲瓏樣猶綴端陽五毒圖

寄郭生季虎

時刻余書管山勝境四字於澗墅

鴻爪磨厓在管山故人飛白未曾閒銷魂隔舫
吳娘曲暮雨瀟瀟客度關

雨後漫成

乍可新涼拂玉船早分微潤到冰絃簾櫳篤耨
畱香地文報壺盧長水天蕉扇卷舒山徑外荷

珠聚散客筵前牛頭寺衲來投刺約聽斜陽杜
曲蟬

酒因讀史一中之古月何分上下池裴野濤風
原不減蠡湖巧宦總難辭掌詩那覓雙清子調
茗先迎苦口師徑欲遨遊向明瑟玉梅花繞歲
寒枝

苦熱

障勢終南亘城闌赤日銜雲常圍韎韐風不動
松杉窟室竟思蟄冰盤相與饒爲談江上路破

浪萬千帆

余性喜鷺道光九年扈駕盛京至紅牆

上賜生樞臣因得一鷺隨行六十六日

嗣以外擢又攜至山左汴中復歸江鄉凡

九年至是撫陝蓄雙鷺園池暇日偶題

王令書名傳墨沼趙才畫意託茴香前塵扈

駕紅牆外駝背籠鷺輦道長

送客咸陽

落日咸陽道終南接太清盤鴈荒磧盡立馬大

波生細柳營何遠中橋渡欲平
萋萋茂陵草烏帽不勝情

荷花生日和王守晉韻

幾修羽士水雲身幾見星妃渡
鞦韆青綺門東瓜市散夕陽
簫鼓賽秋神

二曲誰流曲水觴灞橋但浥露
盤香今年灞橋有葉無花

華清池暖花長好前月承恩已
曉妝曄曄曄清花

己酉夏松郡水災余在秦中奏備
萬緡助

賑羨小枚明經以詩見寄走筆爲
答卽和

原韻

素交別千里郵詩意良厚吾鄉數縉紳領袖
劉懋端補助大賑蓄目水災遭江河海竝漲五
葺瀕黃潤黃歎田舍盡漂沒不見泖峯秀鄉耆
亟平糶民免飯山瘦遙邨更擔粥雞犬互羣覆
好施本至誠眾服社頭副謂葉桐君韓區區桑
苧心僅比涓勺輾所幸良有司發粟飭掌窮
先皇頌內帑竝俞小臣奏里門出朱提踴躍
輸恐後薦縉指一郡大吏實左右謂傅秋坪中丞今

皇新御極朝章率由舊下詔求直言補闕在黼

黻 肝宵軫民依老及幼幼綏萬慶咸豐祥

風兼瑞宿惟茲東南民實欠應蠲救條陳 敕

部議祥河陳言四條內及予綏蒙 指授有無

天不言自臻庶且富小臣何人斯敢不五體

伏側聞呂閭壩水漫竟失守淳蓄關市闌修築

宜官購意將工代賑奮局今可又裁書告當路

鍾書胎庶不重余疚昨朝復書來籌辦兩月畱

至是已藏工羣議絲入扣念君隱城西古屋月

光漏堂上水生衣不聞更賃僦姜張判詩袂吳
中與隴首松風輯餘韻爲祝松喬壽

驚梯

東園有深沼水拭青玻瓈泳游雙白鷺更無磴
可棲置木累成級宛如浪作梯相彼山陰客黃
庭聲價齊豈隨雞鶩羣泛泛辱污泥世無管霄
霞亦當爲提攜自茲闢賢路偃蹇得上躋堂堂
鳳凰池何至七聖迷

蚬旗

何來遽集此一任薰風吹營營挾何術厭憎爾
不知高館會名流爾先登瓊巖文窗發墨香爾
必據硯池古人逐以劍今我磨以旗十步可退
避亦弗爾窮迫腐肉本生涯蚊蚋長相隨和璧
在我前昭質終無虧

魚罩

晁子捕魚圖在江紛層罩小池涵一泓水濁爲
魚撓我以意爲之編竹如籠策大魚巧潛伏掀
公出於淖小魚方戢戢入甕息羣鬧警諸緝匪

徒無煩漁客權長鬚真健者不畏蓮泥膠作濠
濮上觀得非智者樂

馬式

良馬爲圖形斑駁連錢飾厥製截橫板盡工工
設色置之長林中坐卧意殊得昔者馬伏波鑄
銅爲馬式今則昭其便駿骨不取直三花好鬃
鬣金珂與玉勒武備宜修明相馬在真識我思
馳康莊借汝一鞭力

立秋前二日雨

黃姑傾得銀潢水一洗人間熱瘴來舊夢玉泉

山下路早涼隨卻屬車回

五晴一雨如成例天爲農田土脈培萬頃開荒

半沙磧詰朝寬大詔書來內祥及西應詔陳言

地過多頗爲民累請寬予限期查係實在試種

無效者概免升科旨交部議經部奏覆准令

陝甘總督隨時查勘不得以荒磧地畝升科滋

累適琦節相專摺請除積累所有民地一萬六

千餘頃番貢地四萬一千餘段奉旨准其概

予豁免仍照向來舊額徵收以恤窮黎旨准其概

飯瓜棚

神仙何處飯胡麻如幄濃陰一架斜笑我垂虹
老桑葢青門來說故畦瓜

故畦落蒂及秋遲驚頸青黃鎮日垂招得鄰翁
田話好生衣洗足早涼時

登大小雁塔憩興善寺偕孫琴泉明府

大雁伽葉翔小雁數里距慈恩創題名原不及
鄉舉後來進科甲短碑無立處畢公聚舊幢塔
門潤苔礎危梯試一登曲江有勝侶五陵鬱相
望北原歎離黍讀罷河南書半空答鈴語

初地得花木便覺入境幽柱枝未脫帽海棠正
及秋涼翠披滿階後牆竹森修山僧向我言黃
梅花最稠額間發金光香氣旃檀淨再來證冬
心寒客爲羊求

春木和陶詩書後

義熙人物義皇上便欲從君叩菊松無客蕭閒
還漉酒有孫收疑當扶印古今圖史歸三筆爾
我橫余占一峯各抱晴雲不知老烏紗白葛稱
山農